



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1695.

urn:nbn:de:hbz:466:1-29436

ANNUUS 1695.

Viennam hoc anno solenni pompa ingressus Fridericus Augustus Elector Saxoniae, eique ab Augustissimo commissum supremum in copias Cæsareas imperium in Hungaria, quò citatis itineribus contendit Elector exeunte Julio.

Res Ungaricas non nihil afflixit amissa Lippa & Titulium. Gravius vulnus inflixit clades Veterani, qui ad fines Transylvaniæ cum aliquot legionibus insultus repetitos, eosque acerrimos totius exercitûs Turcici aliquamdiu fortiter, & cum decumana Barbarorum strage sustinuit, dum demum multitudine obrutus succubuit, & cum potiore copiarum parte gloriosè occubuit.

Seraskierus ex Peloponeso, in quam ausus cum exercitu penetrare, cum ingenti clade suorum iterum ejicitur à Steinauio Germano, Duce supremo exercitûs Veneti in Regno Moreæ.

In Angliæ periculosa conjuratio, quam in caput Wilhelmi cuderant haud pauci Nobiles Angli Acatholici, maturè detegitur à sacerdote Catholico, & opportunis remediis in tempore sopitur.

In Scotia & Hibernia ferro, carceribus,

& bonorum proſcriptione multati, qui palam auſi feſtivis ignibus celebrare natalitia Principis Walliæ.

Iterum in Oceano ſævitur horrendum flammis, à Schovelio, Barclajo, Bembojo, & Richardo claſſis Anglicanæ Præfectis in portus Gallicos, ignibusque miſſilibus fœdè lacerata Sanmaclovium, Granvilla, Calem, & Dünckerka.

Menſe Julio Wilhelmus Rex Angliæ, & Elector Bavarix juſtam obſidionem admove-
re cæperunt Namurco, auſu ſanè admodum arduo, & molimine perquam difficili, cum nõſſent urbem arte & natura munitiſſimam defendi quindecim & amplius bellatorum millibus, Præfectis ſupremis Boufflerio & Guſcario, militia veteranæ Ducibus emeritis, nec procul abeſſe exercitum Gallicum tot victoriis ferocem, quique centena & amplius millia expleret. Aggreſſi nihilominus opus magnis animis Anglus & Bavarus, & expugnatis, quæ obſtabant, clauiſtris plurimis primò cæperunt urbem 4 Auguſti; tum ulterius progreſſi ad valla, muros, reliquasque munitiones arcis poſitæ in rupe duriffima, qua continuis tormentorum fulminibus, globorum ignivomorum jaculationibus

bus & militum impressionibus per mensem
ferè integrum ita oppugnârunt, ut demum
expugnârint, & 1 Septembris arcem victo-
res sint ingressi.

Interea Villaroius exercitûs Gallici Præ-
fectus summus, ne maneret obscurus in hac
expeditione, Bruxellas incendit globis igni-
vomis, & tertiam ferè partem in cineres re-
degit.

Casale, urbs in Ducatu Montferratensi
totius Italiae munitissima à fœderato exer-
citu post dierum 13 obsidionem strictiorem
Gallis deditioe extorquetur, & ex deditio-
nis pactis, quæ adversus salutem publicam
cuderat privata Italorum utilitas, vallis &
mœnibus nudatur.

ANNO 1696.

Theophilus Patriarcha Rascianorum in
Hungaria, Sclavonia, Transylvania, aliis
que locis finitimis post extortos ab Augu-
stissimo Imperatore certos favores & gratias
sibi, suoque Clero & Ecclesiis, publicè eju-
rato schismate professus est fidem Romano-
Orthodoxam.

Exercitui Cæsareo in Hungaria denno
cum summa potestate præfuit ex voluntate
Augustissimi Fridericus Augustus Elector